

# → PENDIDIKAN

## DEBAT PERDANA DIRAJA GENDER 2016

[FOTO ROHANIS SHUKRI/BH]



Peserta debat berentap pada separuh akhir The Great Royal Gender Debate 2016 di UIAM, semalam.

# Empat universiti melangkah ke final

→ 108 pasukan daripada 34 IPT sertai debat ala Parlimen Britain

Oleh Maria Uffa Zulkafeli  
maria.uffa@bh.com.my

► Gombak

**E**mpat pasukan bagi kategori debat Bahasa Melayu berhasil jaya melangkah ke peringkat akhir Debat Perdana Diraja Gender (The Great Royal Gender

Debate) 2016.

Pasukan berkenaan ialah Universiti Kebangsaan Malaysia (UKM) B; Universiti Putra Malaysia (UPM) B; Universiti Sains Malaysia (USM) A dan Universiti Islam Antarabangsa Malaysia (UIAM) A.

Jurua bakal membawa pulang wang tunai RM3,500 berserta piala pusingan, trofi dan sijil.

### Debat ala Parlimen British

Debat Perdana Diraja Gender yang mula dianjurkan pada 2011 itu dibahagikan kepada dua kategori iaitu bahasa Melayu dan bahasa Inggeris berdasarkan format debat ala Parlimen Britain.

Pertandingan selama tiga hari bermula Sabtu lalu, adalah anjuran bersama Institut Pengupa-

yan Wanita Bagi Anggota Pergerakan Negara-Negara Berkecuali (NIEW), Kementerian Pendidikan Tinggi, Majlis Debat Universiti-universiti Malaysia (MADUM) dan UIAM sebagai tuan rumah.

Sebanyak 108 pasukan daripada 34 institusi pengajian tinggi (IPT) dalam dan luar negara mengambil bahagian pada pertandingan kali ini.